




風 稜 文 庫  
文庫19  
F 221  
2





樂邦文類卷第二

四明石芝沙門

宗曉

編次

序跋三十二家

念佛三昧詩序

圓悟法師

慧遠

觀無量壽佛經疏序

智者禪師

阿彌陀經通讚疏序

慈恩法師

窺基

阿彌陀經疏序

孤山法師

智圓

阿彌陀經新疏序

淨覺法師

仁岳

觀無量壽佛經序

慈覺禪師

宗蹟

阿彌陀經勸持序

慈雲懺主

遵式



往生西方畧傳序

同前

戒珠

往生淨土懺願儀序

同前

往生決疑行願二門序

同前

淨土往生傳叙

飛山禪師

飛錫

念佛三昧寶王論序

草堂法師

義和

華嚴念佛三昧無盡燈

圓澄法師

成大

無盡燈後跋

叅政范

元照

淨業禮懺儀序

大智律師

元照

觀經九品圖後序

同前

淨土十疑論序

提刑楊

傑

淨土十疑論跋

待制

璣

直指淨土決疑集序

提刑楊

傑

龍舒淨土文序

狀元張

孝祥

龍舒淨土文跋

大慧禪師

宗杲

淨土寶珠集序

侍郎王

古

四十八願後序

慧覺法師

齊王

淨土警策序

吳興法師

元穎

淨土自信錄序

無功叟王

闡

修行淨土法門後序

侍郎莫

仲珪

明師勝地論跋

獨醒居士林

鎬



寶城易記錄序

待制陳

璿

遠法師齋忌禮文序

正言沈

璿

稱讚淨土海眾詩序

府判方

案

西歸蓮社序

月堂法師

惠詢

刊往生行願略傳序

鎧菴居士吳

克己

文十三家

廬山白蓮社誓文

晉逸士劉

遺民

東海若

唐禮部柳

子厚

東汝若跋

文忠公蘇

軾

東海若跋

橘洲禪師

寶曇

平武侍銜畫佛文

唐文公韓

愈

結社法集

通慧僧錄

贊寧

蓮華勝會錄文

慈覺禪師

宗頤

念佛防退方便文

同前

宗頤

念佛迴向發願文

同前

宗頤

念佛懺悔發願文

慈雲懺主

遵式

結蓮社普勸文

總管張

掄

西資社同誓文

證通法師

師友

往生淨土十願文

桐江法師

擇瑛

讚十七首

曹師林

白



金銀泥畫淨土變相讚

唐翰林李

白

繡西方淨土燈讚

唐侍郎白

居易

繡阿彌陀佛讚

同前

智圓

西方淨土讚

孤山法師

智圓

無量壽佛讚

大智律師

元照

畫阿彌陀像讚

文忠公蘇

軾

李伯時畫彌陀讚

寂音禪師

惠洪

安樂國讚三十章

提刑楊

傑

善導彌陀道場讚

同前

白蓮成教主真讚

同前

倣禪月作遠公詠

太史黃

庭堅

遠法師贊

給事程

俱

劉遺民贊

同前

陶靖節贊

同前

謝康樂贊

同前

陸道士贊

同前

臨行自餞

權菴法師

有嚴



念佛三昧詩序

廬山法師

慧遠

序曰念佛三昧者何思專想寂之謂思專則志一不撓想寂則氣虛神朗氣虛則智恬其照神朗則無幽不徹斯一乃是自然之玄符會一而致用也是故靖恭閑宇而感物通靈御心唯正動而入微此假修以凝神積習以移性猶或若茲況夫尸居坐忘冥懷至極智落宇宙而聞蹈大方者哉請言其始菩薩初登道位甫窺玄門體寂無爲而無弗爲及其神變也則令脩短葺常度巨細互相違三光迴景以移照天地卷而入懷矣又諸三昧其名甚衆功高易進念佛爲先窮玄極寂尊瞻口來神體合變應未以方故今入斯定者昧然忘知



即所以成鑒鑒明則內照交映而色象生焉非耳目之所暨  
而聞見行焉於是觀夫淵凝虛鏡之體則悟靈相湛一清明  
自然察玄音之叩心聽則塵累每消滯情融朗非天下之至  
妙孰能與於此以茲而觀一觀之感乃獲久習之深獲豁昏  
俗之重迷若匹夫衆定之所緣故不得語其優劣居可知也  
是以奉誠諸賢咸思一揆之契咸寸陰之類景懼來儲之昧  
積於是洗心法堂整衽清夜分忘寢夙宵惟勤憐夫貞詣  
之功以通三乘之志臨津濟物與五流而同往仰援超步拔  
苑之興俯引約進東策其後以覽衆篇之揮翰豈徒文詠而  
已哉  
廬山集又載王喬之念  
佛三昧詩見下第五卷

觀無量壽佛經疏序

天台智者大師

夫樂邦之與苦域金寶之與泥沙胎獄之望華池棘林之比  
瓊樹誠由心分垢淨見兩土之外沉行開善惡觀二方之塵  
妙喻形端則影直源濁則流昏故知欲生極樂國土必修十  
六妙觀願見彌陀世尊要行三種淨業然化因事漸教藉緣  
興是以闍王殺逆韋提哀請大聖垂慈乘機演法曜玉相而  
流彩聳珍臺而顯瑞雖廣示珍域而宗歸安養使末俗有緣  
遵斯妙觀落日懸鼓用標送想之方大水結冰實表瑠璃之  
地風吟寶葉共天樂而同繁波動金渠將契經而合響觀肉  
髻而瞻侍者念毫相而觀如來及其瞋目告終上珍臺而高



踊文成印壞坐金蓮而化生隨三輩而橫截越五苦而長壽

可謂微行妙觀至道要術者哉

此經心觀為宗實相為體所言佛說觀無量壽佛者佛是所  
觀勝境舉正報以收依果述化主以包徒眾觀雖十六言佛  
便周故云佛說觀無量壽佛經者訓法訓常由聖人金口故

阿彌陀經通贊疏序

慈恩法師

窺基

詳夫理絕衆詮豈三乘之可攝智圓萬德非十地之能觀布  
慈雲而廣四生洒法雨而津九有由是降神境率誕跡迦維  
厭欲樂於王宮獲真常於覺樹良以羣生業惑魔黨增強騰  
苦海以闢一途溺慈舟而吞萬善是以高張教網直指淨方

是入聖之玄門乃超凡之妙躅十重淨土約地位以等差九  
品蓮臺契根宜之次第大矣哉迥拋空有之門獨穎斷常之  
表佛者覺道已圓說者慈心演法阿彌陀者無量壽也經者  
常法攝貫也常則百主不易法則千代同規攝則包括衆詮  
貫者通連妙理故云佛說阿彌陀經也

阿彌陀經疏序

孤山法師

智圓

夫心性之為體也明乎靜乎一而已矣無凡聖焉無依正焉  
無延促焉無淨穢焉及其感物隨緣而變則為六凡焉為三  
聖焉有依焉有正焉依正既作則身壽有証促矣國土有淨  
穢矣吾佛大聖人得明靜之一者也乃假道於慈託宿於悲



將欲欲歐歐擊擊迷迷使復復其本本旅旅是乎是無身無而示身而無土而而示土而延  
其壽壽淨淨其土土俾俾其忻忻促促其壽壽穢穢其土土俾俾其厭厭既既忻忻且且厭厭則漸  
誘誘之策策行行矣矣是故釋迦釋現有量現而取取穢土穢非欲非其厭厭耶耶彌陀  
現無量現而取取淨土淨非欲非其忻忻乎乎此則折折之彼之則攝攝之使使其復  
本本而達達性耳耳故淨名淨曰隨隨所調伏所衆生衆而取取佛土佛者其是其  
謂謂乎乎雖雖寶樓金池寶爲悅爲目目之之既既而非而惑蕩惑之色色而能達達唯唯  
無境無矣矣雖雖風樹鳥聲風有入有耳耳之娛之而非而滄瀆滄之音音而能念念  
寶寶有歸有矣矣夫如是則復復乎明靜明之體之者如轉掌耳如經云衆生  
生者皆是阿鞞跋致阿是也大矣哉大聖人之善權也善如此是故  
羣經羣林列而偏讚偏淨方淨其有旨哉旨佛說阿彌陀經者其偏讚

之謂歟之吾愛其辭簡而理明吾其文約而事備其足可以誘足弱喪  
而係而童蒙童焉焉於是約約龍樹之宗龍準準智者之說智依經辨理依爲之  
義疏義若極深研幾若則吾豈敢庶吾乎乎有助有於真風於爲益爲於後於

阿彌陀經新疏序

淨覺法師 仁岳

或曰或虛空無涯虛世界無量世其間有凡有聖其有淨有穢有何爲其  
然乎然曰妄念曰而然也而真則不然真諸佛證真空界諸殞裂證至論應  
化身土之事化亦隨衆生妄念亦所感所蓋使夫革凡成聖蓋捨穢趣  
淨淨然後純純乎後如諸佛之證也如噫衆生之妄也久矣噫故我佛  
能仁氏起能無緣慈悲無出堪忍世界出以若干方便以開諸度門開繇  
是五時設教是三乘授道三雖頓漸不同雖同歸于理同其有我佛未



度而度在他佛者則曰補處之有慈氏極樂之有彌陀乃至十方淨佛國土示若鏡像導如津梁隨其所應利有攸往然而補處雖近十方俱遠諸大乘經莫不稱讚乎極樂為最彌陀為勝依正既異壽命且長衆生信而願生者多矣神化之蹟繁在羣籍佛言將來法滅唯留無量壽經住世百年天口云當知彼佛於此惡世偏有緣爾茲經也始慈恩法師嘗有誤釋復有疏本亦題基公之名相傳云此無名師假託而行也校其文旨實大同而小別泊孤山中庸子章句後出盛傳于時以病中援毫詞簡義略凡用數訓似未盡於方等之詮乎走不敏探智者之教頗歷歲紀常欲以一家法要并淨土

諸說覆述斯文竊避人之多忌未果所志年逼耳順退藏故園伏念玉泉報恩九旬揮於屏柄圭峯思孝七月薦於蘭盆緬挹清芬遂獲操染卷成析為上下以新疏目之別舊章也若乃言之無文吾何敢以前說並駕或言下之理粗通大方亦所不讓云

觀無量壽佛經序

慈覺禪師

宗曠

夫正徧知海從心想生諸佛世界隨心淨土然則彌陀至聖不隔下凡極樂雖遙豈離方寸所以念佛而即得見佛求生而遂能往生觀無量壽經者以法界心照實相境三種淨業明法行之正因十六妙觀為寂照之方便法身與化身隨量



依報與正報齊觀是以章提希豁然大悟授記往生佛世尊  
親勅受持廣說斯事經傳此土人罕流通不有圓機誰陳法  
施常山比丘瓊安等憫衆生之日用不出塵勞嗟妙境之無  
邊願爲鄉導同心錢板庶廣受持非勢至之同倫即遠公之  
舊社耶仲序引普告未聞

阿彌陀經勸持序

慈雲懺主

遵式

此經文句雖約與大本意同上聖赴緣廣略異耳依正主伴  
於是備焉願行方軌有加諸說辭簡義博諷易功多良在茲  
矣初則廣讚依正引物忻求次則六方引同訓勉生信三則  
舉難況易使聞者知歸第一廣讚依正者初讚次勸修願行

佛告長老下標立所讚彼土何故名爲極樂下先讚依果即  
珠網麗天瓊林矗地一池流入德蓮吐四光二天樂韻於六  
時械華散於億刹三他禽演於道品風樹傳於法音四舍利  
弗於汝意下廣讚正報先讚化主相好八萬聖光明以徧収  
功德喻沙言壽命以統括成佛十劫簡過未以釋疑化主不  
舍利弗下讚眷屬聲聞雖衆皆發大心菩薩云多率居補處  
生者咸歸於定聚趣途即預於阿鞞次衆生聞者下勸  
修願行先願次不可以少善根下修行一日等者正在用心  
之厚薄不在責時之久近宜道一心不乱其人臨命終下明  
得果我見是利下結勸次如我今者下第二六方引同訓勉



生信先引同次於汝意下勸信亦是勸持如我今者下第三  
舉難況易五濁得道為難淨土修行則易並如文請先熟尋  
節段然後誦文則起盡有倫功不虛棄如或清晨靜夜收視  
聽以端居誦心游蕩神明於幽極氛累斯滌淨境弗迷廣  
舌勸持豈不然也

往生西方略傳序

同前

維西方淨土者瓊林寶網珠閣瑤池超倍刹於玉毫耀千光  
於沙界諸佛同讚羣賢所宗徧告曼殊咸願生乎其國天親  
彌勒皆誓往於彼方太聖尚然況常徒者也至若散因定業  
少善多福截五道而長驚瞻九品以高外直到薩雲無復退

轉故彼佛本願云設我得佛十方衆生至心信樂欲生我國  
乃至十念若不生者不取正覺唯除五逆誹謗正法五逆者  
出佛身  
如破和合僧殺阿  
羅漢殺父殺母也今既幸無逆罪不謗大乘豈有願求而不

遂也况復十六觀云下品下生者具足諸罪四重五逆謗方  
等法地獄火現十念稱佛地獄猛火化為涼風即生彼土斯  
則又許逆罪之輩十念得生況無此罪者乎推此而言宜各  
自信凡願生者無不遂心故天台智者臨終讚曰四十八願  
莊嚴淨土華池寶樹易往無入火車相現一念改悔尚得往  
生況戒定熏修淨行道力實不唐捐又本願云十方衆生聞  
我名號繫念我國迴向欲生若不果遂者誓不成佛又應校



量業行久近者十念信樂尚生彼國況復一日信樂者況復  
一月一年一生而信樂者耶又應校量滅罪輕重者一念滅  
八十億劫生死重罪重罪者即前五逆也一念稱佛滅罪既爾況復十  
念所滅罪耶況復一日一月一年一生念佛所滅罪耶重違  
尚滅況輕罪乎又應校量念佛功德比餘善根優劣之相者  
經云若人以四事極好之物供養三千大千世界滿中阿羅  
漢辟支聖人所得福德不如有人一合掌一稱南無佛陀如  
彼大千聖福假使百分千分百千億分等數譬喻皆所不及  
一稱佛名者功德無量一稱佛名功德尚爾況復十念佛者  
況復一日一月一年一生念阿彌陀佛者所得功德耶復次

應知念佛之人現世安隱眾聖守護離諸災厄且近於量今  
時風俗競祭鬼神求其福祐望得安隱信邪殺命造罪結冤  
必無福慶而可利人虛招來生地獄罪報易曰積不善之家  
必有余殃殺生害命祖承祭法非一朝一夕豈非積不善耶  
殃咎何疑也若言殺生非不善者古今帝王何故仁慈化世  
勝殘去殺禽魚遂性今登壽域咸稱善耶然祭祀之法天竺  
韋陀支那祀典既未逃於世論真誘俗之權方周公雖稱事  
神不違彙征之道仲尼焉能事鬼蓋迷六趣之源老氏經既  
混於九流莊子未移於百氏惟釋宗所辨曲盡其理天規在  
上人居其次脩羅處中鬼畜斯下今以人事鬼其猶俛首就



足抑君奉民何逆之甚也又思有邪力事之既久物黨方類  
死墮其中世其迷哉且三界大師萬德慈父歸之者罪滅尚  
之者福生諸經具說若能暫歸三寶受持一佛名者現世當  
獲十種勝利一者晝夜常得一切諸天大力神將河沙眷屬  
隱形守護二者常得二十五大菩薩如觀世音等及一切菩  
薩常隨守護三者常為諸佛晝夜護念阿彌陀佛常放光明  
攝受此人四者一切惡鬼若夜叉若羅刹皆不能害一切毒  
蛇毒龍毒藥悉不能中五者一切火難水難冤賊刀箭牢獄  
枷杻橫死枉死悉皆不受六者先所作罪皆悉消滅所殺冤  
命彼蒙解脫更無執對七者夜夢正直或復夢見阿彌陀佛

勝妙色像八者心常歡喜顏色光澤氣力充盛所作吉利九  
者常為一切世間人民恭敬供養歡喜禮拜猶如敬佛十者  
命終之時心無怖畏正念歡喜現前得見阿彌陀佛及諸聖  
眾持金蓮臺接引往生西方淨土盡未來際受勝妙樂諸有  
智人請觀念佛所獲現世福利功德豈同世人祠祀之法現  
無福利未來受苦耶又復當信一切大乘經典皆讚西方莊  
嚴淨土勸令往生若華嚴方等般若法華涅槃諸部諸經皆  
示行相及讚功德又諸菩薩天親龍樹皆各造論稱讚淨土  
又此方諸法師禪師各造論著疏光讚西方道安法師往生  
論亦卷慧遠法師造觀經疏一卷天台智者造十疑論觀經



疏彌陀經疏各一卷道綽禪師撰安樂集三卷善導和尚立  
五會教勸人念佛造觀經疏一卷二十四讚六時禮文各一  
卷懷感法師得念佛三昧造決疑論七卷慈愍三藏撰淨土  
慈悲集三卷慈恩法師造彌陀經疏二卷鎮國沙門澄觀造  
觀經疏一卷有誰聞此眾聖稱揚誘勸往生而不信樂除彼  
不肖人癡瞋無智者斯更復引自古及今西夫東夏道俗士  
女往生高入三十三條顯驗之事具示將來諸有略達原共  
往生云也

往生淨土藏願儀序

同前

原其諸佛憫物迷盲設多方便而引取之但唯安養淨業捷

直可修諸大乘經皆啓斯要十方諸佛無不稱美者也若此  
丘四眾及善男女諸根缺具者欲得速破無明諸闇欲得永  
滅五逆十惡犯禁重罪及餘輕過當修此法欲得還復清淨  
大小戒律現前得念佛三昧及能具足一切菩薩諸波羅蜜  
明者當學此法欲得臨終離諸怖畏身心安快喜悅如歸光  
照室宅異香音樂阿彌陀佛觀音勢至現在其前送紫金臺  
授手接引五道橫截九品是驚謝去熱惱安息清涼初離塵  
勞便至不退不歷長劫即得無生者當學是法欲修少法而  
感妙報十方諸佛俱時稱讚現前授記一念供養無央數佛  
即還本國與彌陀坐食觀音議論勢至行步眼耳洞視微聞



身量無際飛空自在宿命了了徧見五道如鏡面像今論  
入無盡三昧如是稱述不可窮盡應當修習此之勝法如所  
說者皆實不虛十方諸佛出廣長舌稱美此事以示不妄我  
等云何敢不信佛今取淨土衆經立此行法若欲廣知尋經  
補益

往生決疑行願二門序

同前

維安養寶刹太覺收贊三輩高升夕孕金華列宿猶暫於海  
滴晨游玉沼世燈彊喻於河沙良以十方爰來四生利往雖  
騰光而普示終稽首而徧求故其竺國皇州自今觀古彼則  
鉅賢至聖咸舒藻以爲盟此則覺德鴻儒盡擢毫而作誓曰

茲迴向絲續唱和相尋誠爲德之通衢常樂之直濟者也  
但世多創捺割截未識方隅忽遇問津靡暫濫吹或攘臂排  
爲小教或大笑斥作權乘以其言既反經人惑常典易不云  
乎居其室出其言不善則千里之外違之況其邇者乎遂  
述往生淨土決疑行願二門詞愧不文理存或當規叔來而  
且辨挹涇渭而永分翦伊蘭之臭林植梅檀之香餘信解行  
願原始要終不數千言而能備卒者實茲二門矣

淨土往生傳叙

飛山禪師 戒珠

給孤園中聖賢之衆畢集是時衆無詞之請如來遽然而  
告曰過是西方十萬億國有淨土焉其土廣博百寶成焉又



日衆生思焉念焉求而以生者皆如願焉說者曰十二分教以羅萬有此乃無問自說之一分也其義猶何猶母之拊嬰兒不俟其請但欲顧其手足乳而哺之腹而擁之也然如來捨堯率降迦維其說法者五十年流慈振毓隨機有授其間龍天釋梵聲聞緣覺大菩薩衆衆頭自捐髓腦外於國城珍寶殷勤三請者非一如來或辭或默止止而不說者有之至是而乃自說誠悲五濁異生流浪而不息者長劫夫將厭五濁期生于淨土必在乎專念念言之至以繫乎想十六觀所以第資焉經稱諸佛正徧知海從心想生其故何哉明其始也予其漸之之謂也行始於有修智始於有習無上極果以

始于深心深心者確乎其不可拔者也故一念轉三塗之苦十念階九品之華此雖大東方等諸經皆所互陳而互發非止一經言而發之也漢魏已來翹誠西向幾聞其有人者實以大法初流經文之未備矣西晉時劉曜寇蕩京雒僧顯避地江東始由三事因顯驟感祥異然其拳拳之志以遭亂世遺風勝業代或無聞東晉之末遠師憩跡廬阜其同意法師釋道炳竺道生佛陀耶舍洎在家英豪劉遺民雷次宗周續之等一百二十有三人締結方外之游希風來集遠以幻示之期不克以常保夢游之軀不可以長存因指無量壽國結之遐游焉其已也又言其國清淨無三塗無六趣衆生依向



不一生而生者寶幢為之前導金蓮為之受質於是相與而有蓮社之稱焉今之以蓮社云云蓋其始也或時以為淨杜義亦詳矣自遠而下淨土之修益振故宋有曇弘齊有慧進梁有道珍李唐之間穎悟通識之士如道綽善導者累復有焉余以像季之餘值佛遺法緬懷淨業其亦有年每以前賢事跡散於諸傳淪於異代不得類例相從條然以見繇是肇考梁隋而下慧皎道宣諸師所撰傳記十有二家洎大宋通慧大師新傳且得顯等七十五人其傳之作理或有所暗昧詞或有所叢睦因復修正而發明之外有鴻業慧明等六十二人在其生來想像至於捨生之際不啻以瞶勝相備之不

更起深信乃無以備之後之明指或患其所不足據而備之者亦余之闕有補焉

念佛三昧寶王論序

草堂法師

飛錫

客有高信至吾禪居前禮致問辭甚清逸問吾曰修心之人成道捷徑法華三昧不輕之行念佛三昧般舟之宗僉為無上深妙禪門者願聞其致對曰吾拱默九峯與世異於言曲臨自紫閣山草堂寺今典千楮法華勝場向三十年矣希高扣寂未有若君之所問者也子將涉無生之龍津欲面南以鵬舉吾不敏也嘗試論之今則略開二十門以明斯旨耳

華嚴念佛三昧無盡燈序

圓澄法師

義和



六道凡夫三乘賢聖其根本悉是靈明清淨一法界心性覺  
寶光各各圓滿本不名諸佛亦不名眾生但此心靈妙自在  
不守自性故隨迷悟之緣作業受苦名曰眾生修道證真迹  
名諸佛佛憫眾生顛倒妄想執著而不證得於是稱法界性  
說華嚴經欲令眾生知一切法即心自性成就慧身不由他  
悟至於善財證入法界參諸知識最初吉祥雲比丘教以無  
礙智慧念佛門又解脫長者教以唯心念佛門又普徧吉淨  
光夜袖教以觀德相念佛門其後華嚴諸祖慮念佛者莫得  
其要於善知識解脫門中復設諸門意使諸佛與眾生交徹  
淨土與穢土融通法彼此該收塵塵悉包徧法界相即相一

入無礙圓備得其門則等諸佛於一朝不得其門則徒  
因於曠劫夫不龜手之藥一也有終身并澣洗者有裂土而  
封者蓋用有干拙而利有大小念佛法門一也有涉時之久  
致力之多而平素失其指歸逮乎垂亡他境強奪豈能超邁  
此終身不免於并澣洗之謂也唯華嚴觀行得圓至功於頃  
刻見佛境於塵毛諸佛心內眾生新新作佛眾生心中諸佛  
念念證真至簡至易雖然諸佛拔苦與樂之心一也不思議  
力一也唯西方彌陀世尊接引娑婆眾生願力偏重即本師  
故是以流通經中普賢行願獨指彌陀極為至切義和晚年  
退席平江能仁徧搜淨土傳錄與諸論讚未嘗有華嚴圓融



念佛法門蓋已歌和衆雪曲應稀無足道者嗚呼不思議法  
門散乎大經與疏記之中無聞於世離此別求何異北轅而  
之楚耶於是備錄法門著爲二編使見聞者不勳步而歸淨  
土安侯階梯非思量而證彌陀豈存言念諸佛則皆塵念竟  
故明衆生則皆資合塵故昏欲使冥者皆明明終無盡因目  
其篇曰無盡燈云爾乾道元年九月望臨安府慧因院華嚴  
寺觀義私序

無盡燈後跋

參政范

成大

念佛三昧深廣微密世但以音聲爲佛事此書既出當有知  
津者乾道丁亥季夏七日吳郡范成大書

淨業禮懺儀序

太智律師

元照

元照自下壇來便知學律但稟性庸薄爲行不肖後遇天台  
神悟法師苦口提誨始知改跡遂乃深求祖教博究佛乘而  
於佛祖微言薄有所領竊自思曰初心晚季寧無夙善但不  
遇良導作惡無恥虛喪一生受苦長劫於是發大誓願常生  
娑婆五濁惡世通達佛理作大導師提誘羣生令入佛道復  
見高僧傳慧布法師云方土雖淨非吾所願若使十二劫蓮  
華中受樂何如三塗極苦處救衆生也由是堅持所見歷涉  
歲年於淨土門略無歸向見修淨業役生輕謗後遭重病色  
力痿羸神識迷茫莫知趣向既而病差頓齋前非悲泣感傷



深自克責，志雖洪大，力未堪任。仍覽天台十疑論，初心菩薩未得無生，忍要須常不離佛。又引智度論云：具縛凡夫有大悲心，願生惡世，救苦眾生，無有是處。譬如嬰兒，不得離母，又如羽羽，祇可傳枝。自是盡棄平生所學，專尋淨土教門。二十餘年，未嘗暫捨。研詳理教，披括古今，頓釋羣疑，愈如深信。復見善導和尚專雜二修，若專修者，百即百生；若雜修者，萬千一二。心識散亂，觀行難成。一志專持四字名號，幾生逃逝。今始知歸，仍以所修展轉化導。盡未來際，洪贊何窮。方便多門，以信得入。如大勢至，以念佛心，獲悟圓通。入三摩地，復自思念：已前所造無量罪業，不信淨土謗法，毀人業因，既成苦果。

必克離百千劫所作不亡業性。雖空果報不失，內懷慚恥，曉夕兢惶。於是躬對聖前，吐露肝膽。五體投地，苦倒懺悔。仍於大願普攝眾生，同修念佛。盡生淨土，欲常修習，須立軌儀。故集諸文，布成此法。從始至末，第列十門，並集聖言，咸遵古式。事從簡要，法在精專。所貴自備修持，豈敢貽諸先達後賢，披覽知我志焉。

觀經九品圖後序

同前

世之學佛者，其始莫不皆曰：為生死事大，故也。及乎聲利所動，世緣所汨，則死生大事置而弗論。或為人所扣擊，則他辭託跋，不能自決。或云：此不須問。或云：不必須知。或云：付到奉。



行莫作計技或云隨處受主出入自在或云且生不高不下之家復男子身或云把定精神見善惡相不得隨去或令預候知時或教臨終奪陰或云百骸潰散一物長靈或云形散氣消歸去寂滅如是種種臆度矯亂皆不出凡夫外道所常二見逮乎四大解分痛苦所迫識神無主隨業輪迴決無疑矣借令定日剋時坐脫立化世術可致未足為奇斯由不見十六觀經不知九品生相不信彌陀願力而堅持所見自非塗炭豈不為之悲哉姑蘇逸上人久歷叢林不滯偏見屬貴觀經蓋有年矣將恐通俗未閱經本乃命工圖繪九品之相具列經文以示其說隨於經後各以偈頌為之激勵且使知

死生事大者有超越之路而不溺於異見枉受輪轉若以相以舉目因文而動懷是必有信者解者修者生者焉以三疑者謗者莫不皆為往生因種則斯文於世豈小補哉青山安忍子仰之不巳輒復命筆隨喜讚嘆云

天台淨土十疑論序

提刑楊

傑

愛不重不生娑婆念不一不生極樂娑婆穢土也極樂淨土也娑婆之毒有量彼土之壽則無量矣娑婆備諸苦彼土則安養無苦矣娑婆隨業輪轉生死彼土一往則永證無生法忍若願度生則任意自在不為諸業轉矣其淨穢壽量苦樂生死如是差別而衆生冥然不知可不哀哉阿彌陀佛淨土



攝受之主也釋迦如來指導淨土之師也觀音勢至助佛揚  
化者也是以如來一代教典處處丁寧勸往生也阿彌陀佛  
與觀音勢至乘大願船泛生死海不著此岸不留彼岸不止  
中流唯以濟度為佛事是故阿彌陀經云若有善男子善女  
人聞說阿彌陀佛執持名號若一日乃至七日一心不乱其  
人臨命終時阿彌陀佛與諸聖眾現在其前是人終時心不  
顛倒即得往生極樂國土又無量壽經云十方衆生聞我名  
號憶念我國植諸德本至心迴向欲生我國不果遂者不取  
正覺所以祇洹精舍無常院令病者面西作往生淨土想蓋  
彌陀光明徧照法界念佛衆生攝取不捨聖凡一體機感相

應諸佛心內衆生塵塵極樂衆生心中淨土念念彌陀吾以  
是觀之智慧者易生能斷疑故禪定者易生不散亂故持戒  
者易生遠諸染故布施者易生不我有故忍辱者易生不瞋  
恚故精進者易生不退轉故不造善不作惡者易生念純一  
故諸惡已作業報已現者易生實慚懼故雖有衆善若無誠  
信心無深心無迴向發願心者則不得上品生矣噫彌陀  
甚易持淨土甚易往衆生不能持不能往佛如衆生何夫造  
惡業入苦趣念彌陀生極樂二者皆佛言也世人憂墮地獄  
而疑往生者不亦惑哉晉慧遠法師博通教乘出稱夙德嘗  
與耶舍尊者劉遺民諸英豪等結白蓮社於廬山蓋致精誠



於此爾其後七百年梁固隋唐至于國朝其僧俗修奉獲  
感應者非一咸見于淨土傳記豈誣也哉然替補彌陀教觀  
者其書山積唯天台智者大師淨土十疑論最為首冠援列  
聖言開決羣惑萬年閤室口至而煩釋羣陰千里水程舟具  
而不勞自力非法藏後身不能至於是也傑頃於都下嘗獲  
斯文讀示所知無不生信自遭酷罰感悟益深願廣其傳因  
為序於熙寧九年仲秋述

淨土十疑論後序

待制陳

瓘

人心無常法亦無定心法萬差其本在此信此則徧信華嚴  
所以說十信疑此則徧疑智者所以說十疑出疑入信一入

永不離於此得究竟處淨土者究竟處也此處有說法之  
主名無量壽此佛說法未嘗間斷疑障其耳則龍耳而不聞疑  
障其心則昧而不覺不聞不覺安住惡習讚嘆不念隨喜離  
心妄指蓮胞以為虛誕終不自念此分段身從何而得自何  
而來胎獄穢濁真實安在信憑業識自隔真際於一幻境非  
彼執此生不生靈求絕聖路以如是故釋迦如來起大慈憫  
於穢濁中發大音聲讚彼淨土上妙之樂於生死中為大船  
師載以法船令超彼岸晝夜度生無有休息然而彌陀之岸  
本無彼此釋迦之船實非往來譬如一燈分照八鏡鏡有東  
西光影無二彌陀說法徧光影中而釋迦方便獨指西鏡故



已到彼岸者乃可以忘彼此未入法界者何自而泥東西於此法中若昧究竟勿滯方隅勿分彼此但當正念諦信而已此二聖之意而智者之所以信也信者萬善之母疑者眾惡之根能順其母能勸其根則向之所謂障緣眾生瞽可復開昧可復覺昧出生死得出生死未生淨土得生淨土順釋迦之誨往而彌陀隨彌陀之願來助釋迦在此而徧歷十方即西而普入諸鏡自二聖建立以來如是之久如河沙數云何不信云何而疑能自信已又作方便令諸未信無不信者此則智者之所以為悲也明智大師中立學智者之道不順其文而順其悲所以又印此論冠以次公之序而請予申廣其說以助其傳元祐八年十月十日左宣義郎前簽書鎮東軍節度判官廳公事陳瓘序

直指淨土決疑集序

提刑楊

傑

大願聖人從淨土來來實無來深心凡夫往淨土去去實無去彼不來此此不往彼而其聖凡會遇兩得交際者何也彌陀光明如大圓月徧照十方水清而靜則月現全體月非起水而遽來水濁而動則月無定光月非捨水而遽去在水則有清濁動靜在月則無取捨去來故華嚴解脫長者云知一切佛猶如影像自心如水平彼諸如來不來至此我不往彼我若欲見安樂世界阿彌陀如來隨意即見是知眾生往念定



見彌陀彌陀來迎極樂不遠乃稱性實言非權教也淨土無  
欲非欲界也其國地居非色界也生有形相非無色界也一  
切衆生未悟正覺處大夢中六道外沉未嘗休止諸夫雖樂  
報盡相衰脩羅方瞋戰爭互勝旁生飛走啖食相殘鬼神幽  
陰飢渴困逼地獄長夜痛楚號呼得生人趣固已為幸然而  
生老病死衆苦嬰纏唯是淨方更無諸苦蓮苞託質無生苦  
也寒暑不遷無老苦也身非分段無病苦也壽命無量無死  
苦也無父母妻子無愛別離也上善人聚會無怨憎會也  
穢香食珍寶受用無求不得無窮困也觀照空寂無編苦也  
悲濟有情欲生則生不住寂滅非二乘也智照生死得不退

轉非凡夫也三界蕩然譬如四裔丘陵坑坎穢腐所積溪壑  
阻絕孰為津梁乃有狂人迷路於此惡獸羶魅惱害雜居刀  
兵水火或時傷暴風霜霹靂凌厲摧懾罔知城域可以庇覆  
飲食衣服未或充足其受是苦不求安樂有佛釋迦是大道  
師指清淨土是安樂國無量壽佛是淨土師爾諸衆生俱發  
誠心念彼佛號即得往生若生彼土則無諸惱不聞知者固  
可哀憐亦有善士發三種不信心不求生者尤可嗟惜一曰  
吾當超佛越祖淨土不足生也二曰處處皆淨土西方不必  
生也三曰極樂聖域我輩凡夫不能生也夫行海無盡善賢  
願見彌陀佛國雖空維摩常修淨土十方如來有廣古之讚



十方菩薩有同往之心試自忖量孰與諸聖謂不足生者何其自欺哉至如龍猛祖師也楞伽經有預記之文天親教宗也無量論有求生之偈慈惠通讚首稱十勝智者析理明辨十疑彼皆上哲精進往生謂不必生者何其自慢哉火車可滅舟石不沉現華報者莫甚於張道十念而起勝處入地獄者莫速於雄俊再甦而證妙因世人愆尤未必若此謂不能生者何其自棄般舟三昧經云跋陀愁菩薩請問釋迦佛未來衆生云何得見十方諸佛佛教念阿彌陀佛即見十方一切諸佛又大寶積經云若他方衆生聞無量壽如來名號至能發一念淨信歡喜愛樂所有善根迴向願生無量壽國

者隨願往生得不退轉此皆佛言也不信佛言何言可信不信淨土何土可生自欺自慢自棄已靈流入轉迴是誰之咎四十八願悉為度生一十六觀同歸繫念一念既信已投種於寶池衆善相資定化生於金地無輒悔墮誤認疑城即時蓮開得解脫道唯心淨土自性彌陀太光明中波無礙事直指淨土決疑集者吾友王古敬仲之所編也博采教典該括古今開釋疑情徑超信地其載聖賢之旨存淨土諸書最為詳要蓋安養國之鄉導也若登彼岸舟固可忘來者問津斯言無忽元豐七年九月十日序

次公此序反覆詳盡其論三種不求生最為一篇警策但



謂淨土非三界及云身非分段有違經論謹引三文以正  
其非釋籤云若大論中明安養國非三界者祇是非此  
婆三界耳若就彼土具有三界故無量壽經阿難白佛彼  
安養界既無須彌忉利諸夫依何而住佛反質云此土夜  
摩乃至色界依何而住阿難默鎮反質意者此夜摩等既  
託依空何妨彼土四王已上依空而住具明土相復有多  
種共別不同如無動界雖是淨土猶有男女及須彌等此  
同居淨土既其不同同居穢土亦應不等釋論云出三界  
外有淨土聲聞辟支佛出生其中受法性身非分段生

龍舒淨土文序

狀元張

孝祥

阿彌陀如來以大願力攝受羣品繫念甚簡證果甚速或省  
疑之余嘗為之言阿彌陀佛即汝性是極樂國土即汝心是  
衆生背覺合塵淪於七趣立我與佛天地懸隔佛為是故慈  
悲方便開示悟入現諸無量如幻三昧莊嚴其國備極華好  
復以辯智而為演說令諸衆生歡喜愛樂於日用中能發一  
念念彼如來欲生其國即此一念清淨堅固還性所有與佛  
無異當是念時不起于座阿彌陀佛極樂國土悉皆現前如  
是修習乃至純熟幻身壞時此性不壞金蓮華臺由性種生  
往生其中如歸吾廬諸佛菩薩即我眷屬性無異故自相親  
愛友人龍舒王虛中端靜簡潔博通羣書訓傳六經諸子數



十萬言一旦捐之曰是皆業習非究竟法吾其惟西方之歸  
自是精進惟佛惟念年且六十布衣蔬茹重研千里以是教  
又風雨寒暑弗遑恤間居日課千拜夜分乃寢面自夷夷有  
无望之者信其為有道之士也紹興辛巳秋過家君於宣城  
留兩月始見其淨土文凡修習法門與感應章著具有題末  
將求信道者毀不傳焉諉余序其書故為之題其端云虛中  
名日休十月旦歷陽張孝祥序

龍舒淨土文跋

大慧禪師

宗果

龍舒王虛中日休博覽羣書之餘留心佛乘以利人為已任  
真火中蓮也佛言自未得度先度人者菩薩發心自覺已圓

能覺他者如來應世予嘉其志為題其後若見自性之彌陀  
即了唯心之淨土未能如是則虛中為此文功不唐捐矣庚  
辰八月二十日書于劉景文懶窠云雙徑妙喜宗果跋

淨土寶珠集序

侍郎王

古

衆生心淨則佛土淨法性無生而無不生有佛世尊今現說  
法在極樂國號阿彌陀緣勝劫長悲深願大無邊際光明攝  
受不思議淨妙莊嚴珠網麗空瑤林矗地池含八德華發四  
光韻天樂於六時散絳華於剎諸佛共讚十方來歸彌陀  
心內衆生新新攝化衆生心中淨土念念往生質託寶蓮不  
離常處神超多刹豈出自心如鏡含萬象而無有去來似月



印于江而本非升降被圓頓機則皆一生補處明方便門則有九品階差念本性之無量光本來無念生唯心之安養國真實無生解脫苦輪十念亦超於寶地會歸實際二乘終證於菩提如大舟載石而遂免沈淪若順風揚帆而終無留難悟之則甚近而不遠迷之則益遠而無人嗟夫學寡障多疑深觀淺斥為權小聞若存亡則以馬鳴龍樹為未然天台智覺為不達不信當受菩提記不音頓生如來家龍鳥鼎魚翻為游戲隙駒風燭妄計久長虛受一報身枉投諸苦趣豈知大雄讚勸金口叮嚀侶聖賢於剎那具相好於俄頃樂受則永拋五濁悲增則迴救三塗於此不知是為可憫自魏晉太

經初出則有遠顯諸賢繼修事列簡編驗彰耳自福唐釋戒珠採十二家傳記得七十五人蒐補闕遺其英繁長該羅別錄增廣新聞共得一百九人隱顯畢收緇素並列會江河准濟於一海融瓶盤釵釧無二金標為險道之津梁永作後來之龜鑑元豐七年八月十五日記

四十八願後序

慧覺法師 齊王

或曰淨土乃聖人之權方所以接鈍根化凡器也苟能一超直入如來地何藉於他力乎對曰佛出文殊普賢滅後馬鳴龍樹此土智者智覺皆願生淨土應盡是鈍根乎釋迦勸父王淨飯并六萬釋種亦願生淨土應盡是凡器乎此等聖賢



應皆不逮今人之利根勝器乎況若以此為權指何為實權  
實之判非止一途自非教眼瞭焉何以甄別咨爾有識當信  
佛言招報非輕切勿容易昔孫華老季士始以此疑之因會  
楊次公主客王敏仲侍郎論道契合遂釋其疑故華老云四  
方言禪者唯黃蘗慧林為最盛臨濟之後有慈明慈明傳江  
西黃蘗之道次公實傳之雲門之後唯雪竇雪竇傳懷懷傳  
本公居慧林時敏仲早得其法次公敏仲皆儒者季禪得  
師如此方且汲汲以淨土為依歸則知淨土非聖人之權說  
真禪侶之棲止也苟能即心淨土本性彌陀生則隨念往生  
去則實無所去則亦焉有彼此之異而橫相是非於其間也

哉觀夫華老之言則信真善知識不違佛訓不欺自心事理  
俱圓實可宗仰願諸仁者當以死生大事為心無以人情取  
捨自礙賴如是願力念阿彌陀佛發決定信誠起以婆娑險惡  
之程作淨土水雲之客濯足於八種功德池水掛錫於七重  
行樹叢林入清淨海眾中然彌陀善知識覽勝境而得不退  
轉聞妙法而易悟無生七寶樓邊四華池畔優游泮浚樂莫  
大焉庶以此願為憑前程定無間阻苟或謂之不然則吾末  
如之何也矣

淨土警策序

吳興法師

元穎

一切諸佛歷劫修行所成國土安立眾生蓋以眾生流轉生



死未遇知識阻聞法要不獲脫苦也而衆生或宜以苦事迫  
切者則聖人於大悲心行折伏也衆生或宜以樂事誘引者  
則聖人於大悲心行攝受也攝受則有殊勝莊嚴珍妙樓閣  
太丈夫相安隱之事也折伏則有胎外濕化四生凡有百憂  
九惱五苦八苦之相也然於聖人之心豈曰差別乎且釋迦  
牟尼亦有清淨國土如西方極樂阿彌陀佛必有五濁世界  
如娑婆堪忍也所以一期化物有彼有此有淨有穢者由諸  
佛結緣異也由衆生誓願異也若達彼岸登果位無必固也  
世智下凡不白分別其可知竟乎不白取捨其可造措乎羣  
經廣有警策之語偏讀西方阿彌陀佛所居淨土今纂集之

庶裨補遺化激勸士俗嗚呼死生亦大矣豈不痛哉而世人  
或沒於苦海則自甘其分或迷於富貴則自逞其得而不知  
生生死死於瞬息間也久矣至有謂心淨佛土淨空身即法  
身及大期忽終無所安立當是時也與夫守志淨土著相修  
行之人億劫不死故覽斯文其有發未發之心歟

淨土自信錄序

無功叟王 闌

古之太聖人立言垂教被于百世之下其志猶鬱而未暢晦  
而未明者蓋有之矣即吾佛淨土法門是也余徧覽諸經深  
求其旨往生功德一言以蔽之曰在凡夫獲不退而已矣何  
則此土修行圓教初信小乘初果人邪見及邪三毒永不退



慈為斷惑發悟初入聖流則越生不昧其所證斯超四趣不  
失个天至於凡夫地中雖伏惑發悟菩薩一經生死非常之  
變財忘其所證所修是故遇緣或退仍墮苦塗者容有之乃  
若凡聖同居淨土如極樂國等雖具三果唯有人夫故一切  
含識獲生者即長壽四趣又助緣大備壽數莫量縱至鈍根  
一生熏修無不證聖果寧復有退失事乎如來讚勸之本意  
不過如此且圓機體道是最上淨業苟加願導之即預優品  
若夫愚朴輩但能稱佛發願者而莫不往生嗚呼觀淨土下  
門則知聖人無棄物矣彼守癡空之徒勅無礙無修起自障  
心絕他學路乃高其言曰淨土末事也何足道哉可不哀耶

修行淨土法門後序

侍郎莫

仲珪

娑婆苦境也欲脫眾苦必修西方西方樂國也欲生極樂必  
信佛言譬如有人行於曠野暮夜昏黑羣賊在後執持利器  
競來逼逐四顧旁皇逃避無所呼天叫地誰來救卹忽遇老  
父而告之言此去不遠有長者居福德威勢盜賊不侵樓閣  
真實快樂自在烟霧所障汝不能睹汝但決往吾不汝誑其  
人聞語歡喜勇躍策步高驤不復回顧注目一心更無他想  
俄頃之間至長者所羣賊苦惱杳絕蹤跡種種快樂無異所  
聞彌陀攝受眾生長者居也安可不往釋迦指導羣迷老少  
言也安可不信世之人於西方之說懵不能知比比皆是知



矣而不信信矣而不修修不能力者十亦常个九焉我今車  
覆設此譬喻其不知者可以解會而不信不修不力者亦可  
加勉矣夫修西方而決願往生者豈有他哉善盡其力如遇  
老父於避賊之時而已矣

明師勝地論跋

獨醒居士林 鎬

予嘗讀冲虛至德經而得林類之言以謂死於是者安知不  
生於彼雖知死之與生一往一返然求其說而未得者意其  
死於是者不過捨是報身而已生於彼者必竟落在什麼處  
此所以求其說而未得也今觀福清禪師所述明師勝地論  
始知世外別有境界內院西方淨土為諸人依託之地非今

慮積習不能到也予因三復其說究其本性空寂之中非新  
滅相此生報盡還有他生若存堅固願力成就善根且無沉  
淪惡道之憂決有超登勝報之地乃今而後始知兜率西方  
不隔毫端常自現前但堅此心即能見佛如妙喜云見自性  
之彌陀了唯心之淨土者誠可為此論一言之蔽也師妙喜  
之的嗣於明師得依託之地故能以三處正論饒益眾生於  
政大資周公葵得而序之謂師之言信而有證且愛其宗通  
說通於實相教相不相違背而老婆心切有如是諄諄之言  
也諸仁者儻能因周公之序以求老師之心則兜率西方不  
勞問途便請驀直去也獨醒居士林鎬敬跋



乾道中發之蘭溪釋子光道號雲水少習台教厥後南詢  
得法於太慧泉公晚住莆田福清作依託明師勝地論三  
卷行於世其大槩謂佛法高妙若增上勝緣唯明師勝地  
為堪依託蓋凡學道者貴見性見性者貴修習見性未明  
必務求師修習未成必務於地得其師則模範正得其地  
則心跡安一曰人間中國聖賢所居二曰兜率陀天彌勒  
說法三曰西方淨土彌陀闡化是三處皆名勝地並得依  
託修行至中下兩卷則專明西方法門勸人修習文多不  
能真載但書林公一跋聊為叙其大旨云

寶城易記錄序

待制陳

璣

安養不在彼淨土非我有此涼永公所謂安樂土也余既得  
罪台州自壬辰八月捐書不復為文章心改過專趣此土路  
長身老悵發心之晚也此閱晁文元公道院集論空不空三  
昧因繫之以辭而曰辭者貫心而易記耳其辭則四句偈  
文元公深入佛海言無枝葉至於貫心之辭則亦未忘而  
欲其易記焉公之所謂易記者豈主於記其辭而已哉余竊  
慕焉凡貫心之辭欲已而未能已者筆之于此名之曰寶城  
易記錄云

了齋依延慶明智法師得台教淵源晚歲專意西方誠為  
得所其紀所行之法擬是公貫心易記之辭者彼曰吾即



今自定日用之法先入空三昧旋滅一切忘念如空華谷  
鄉音經視聽而無留礙也又入不空三昧安住一真法界如  
額珠髻寶常受戴而無不墜也此法交濟更不異時精密  
久長百法無敵貫心易記因繫之以辭曰心空如太空豁  
然無可觸一真法界中靈照常安住

遠法師齋忌禮文序

正言沈

璿

釋迦如來出現於世說種種法接引眾生於種種門最捷徑  
者無以易於西方安養之教也嗚呼無量壽佛之四十八  
願則西方之教無以啓其端無釋迦如來之演說諸經則無  
量壽佛之願無以傳於世前佛作願於前後佛說經於後此

消章明義較可信無疑然而多門之法或擇之而不精精  
之士或傳之而未習譬之肘後之方載開簡牘有擇之而精  
傳之而習以開後悟此恩此施願與製是方於心哉是方  
書其厚薄何如哉惟茲修行安養之方無量壽佛實製之釋  
迦如來實筆之擇之傳之習之以貽後人者東晉遠公其人  
也西湖秀士李濟子同年執友樂清令尹李公系見素之子  
遭家多難幼失所怙兩罹鼓盆孤苦之中坐進此道果從證  
通主人師友為西資社蓋有意乎遠公之遺法也三年于茲  
來者益盛凡預此社而精進不懈者奇祥異觀妙果殊證如  
經所說往往有之則同社相與稱頌自慶益期進修李君唯



念凡今若此雖前佛後佛開大法門而遠公之德其何可遂  
忘退而考諸傳記作禮文一通以示同志予輒爲識其始末  
因爲之言曰堯舜禹湯文武周公之道得仲尼而後明至於  
公仲尼之所傳以深入乎數聖人之道而爲後人之資者孟  
軻氏其人也以西方法觀之則遠公者猶吾儒之孟子耳  
子其何嫌雖然李君之是文也固將尊其所以爲遠公者則  
遂從而李之如吾儒之於孟子哉若夫且拜且誦而徒爲觀  
美焉非李之所祈望於同社者也乾道二禩四月望序

稱讚淨土海眾詩序

府判方

次案

淨土與娑婆凡聖對治之法也以苦樂言之則淨土樂而娑婆  
苦若以清濁言之則淨土清而娑婆濁以壽夭死生言之則  
淨土壽而常生娑婆夭而必死然衆生多沉滯於娑婆之境  
而罕有知往生淨土之路者亦以其業報所蔽之耳釋迦法  
王爲此土教化之導師彌陀世尊爲彼方接引之慈父而衆  
聖羣賢又發明釋迦彌陀之太願指示衆生使修淨業爲超  
脫輪迴之計若乃娑婆煩惱之纏縛淨土莊嚴之境界如來  
經旨開喻甚明諸上善人闡揚尤著今李子濟從而爲稱讚  
詩擬諸詠史凡若干篇一披卷帙則彌陀海眾淨土勝境如  
在目前使人心開意悟即願往生則子濟開導羣迷其功豈  
淺淺哉子濟儒家者流四世登科有聲士類來處清白兼通



佛理凡留心於西方之教如飢之必食渴之必飲夏之葛冬之裘有不能自已者蓋地可動金可革而子濟信心堅固截然不撓則他世化生必為九品會中之人矣案因敬覽謹隨喜而為之序云

### 西歸蓮社叙

月堂法師

惠詣

昔廬山遠法師偕慧持曇順結劉遺民雷次宗周續之二十人并同志一百二十有三人修淨業以西歸為盟號白蓮社焉自此厭婆娑忻淨域者接踵其修故晉宋之世至于隋唐高僧賢士出世行之由是臨終有見東萊金臺者有銀臺金蓮者有祥光異瑞者有聽空聲讚歎者有聞異香盈室者

至有目擊彌陀行來迎者徵感非一詳于本傳故我皇朝林下高人郡邑賢哲所樂精修猶為持盛矧茲小菴溪聲流屋松翠凝門池淨紅蓮水涵皓月境靜地幽車馬之塵不到則可以策勵進行為此身淨質青蓮之託也謹遵先範募二十人為念佛三昧西歸蓮社須端方貞亮始終無易節者請得預焉建社主菴行因謹募住持延慶寺月堂惠詢勸緣書

### 刊往生行願略傳序

鎧菴居士吳

克已

余嘗考前代士夫學出世法能知如來設教本意不為空有所陷者在晉則有若劉仲思在唐則有若柳子厚在我朝則有若楊次公仲思入遠公蓮社臨終唯請僧讀無量壽法華



二經子厚作無姓和尚碑稱其止讀法華經且指極樂土平  
路為生物所歸次公作天台無相院碑亦稱智者大士建化  
天台以法華三昧為極致以安養國土為依歸蓋不讀法華  
則無以明我心本具妙法不生安養則無以證我心本具妙  
法如來諄諄示誨智者懇懇洪經乃知佛祖垂慈初無異轍  
也今代士夫棲心佛乘力未出離者固不為少矣然為異見  
所奪者尚未免焉印公法師勸發信士捐金鑲木流布慈雲  
懺主淨土行願法門及畧傳其始有意救斯弊乎余聞之喜  
而不寐遂攬三君子言行為作證明庶實心賢達知有佛  
法正宗相與造修俱脫苦輪云爾彼為獅子身中與自食

子內雖南陽國師後生亦無可奈何者余言尚奚施耶

廬山白蓮社誓文

東晉逸士劉遺民

朝士謝靈運高人劉遺民等一百二十三人為蓮社今遺民  
著誓辭其辭曰維歲在攝提格十月戊辰朔二十八日乙未  
法師釋慧遠真感幽奧霜懷特發乃延命同志息心負信之  
士百有二十三人集於廬山之陰般若臺精舍阿彌陀像前  
率以香華敬薦而誓焉惟斯一會之眾夫緣化之理既明則  
三世之傳顯矣遷感之數既符則善惡之報必矣推文臂之  
潛淪悟無常之期切審三報之相催知險趣之難拔此其同  
志諸賢所以夕惕宵勤仰思救濟者也蓋神者可以感涉而



不可迹求必感之有物則幽路咫尺苟求之無生則渺茫何  
津今幸以不謀而僉心西境即篇開信亮情天發乃機象通  
於寢夢忻歡百於予來於是靈圖未暉景伴神造功由理詣  
事非人運茲實天啓其誠冥運來華者矣可不刻心刻念重  
精疊思以凝其慮哉然其景續參差功福不一雖展祈云同  
而夕歸攸隔即我師友之眷良可悲矣是以慨焉胥命整袂  
法堂等施一心亭懷幽極誓茲同人俱遊絕域其有警出絕  
倫首登神界則無獨善於雲嶠忘兼全於幽谷先進之與後  
外勉以彙征之道然後妙觀天儀啓心貞照識以悟新形由  
化革藉芙蓉於中流蔭瓊柯以詠言飄雲衣於八極泛香風

以窮年嬰憂安而彌穆心超樂以自怡臨三塗而緬謝傲天  
宮而長辭紹衆靈之繼軌指太息以爲期究茲道也豈不洪  
哉並棄世榮慕西方之訓終時各感佛來迎也

東海若

禮部柳

子厚

東海若陸遊登孟諸之阿得二甄焉翫而振其犀以嬉取海  
水雜糞壤蜺蛻而實之臭不可當也室以密右彘而投之海  
逾時焉而過之曰是故棄糞耶其一徹聲而呼曰我大海也  
東海若呀然笑曰怪矣今夫大海其東無東其西無西其北  
無北其南無南且則浴日而出之夜則淫列星涵太陰揚陰  
火珠寶之光以爲明其塵穢之雜不處也必泊之西遊故其



大也深也潔也光明也無我若者今汝海之棄滴也而與糞壤同體臭朽之與曹蜺蛇之與居其狹咫尺也又冥暗若是而同之海不亦著而可憐哉子欲之乎吾將爲汝扶石破甄湯羣穢於大荒之島而同子於向之所陳者可乎糞水泊然下悅曰我固同矣吾又何求於若吾之性也亦若是而已矣穢者自穢不足以害吾潔狹者自狹不足以害吾廣幽者自幽不足以害吾明而穢亦海也狹幽亦海也突然而往于然而來孰非海者子去矣無亂我其聞若之言號而祈曰吾每是以久矣吾以爲是固然不可異也今子告我以海之大又曰我以故海之棄糞也吾愈急焉涌吾沫不足以發其室旋吾

波不足以穴甄之腹也就龍之窟歲月耳願若幸而哀我哉東海若乃扶石破甄投之孟諸之陸盪其穢於大荒之島而水復於海盡得向之所陳者焉而向之一者終與臭腐處而不變也今有爲佛者二人同出於毗盧遮那之海而泊於五濁之糞而幽於三有之甄而室於無明之石雜於十二類之蜺蛇人有問焉其一人曰我佛也毗盧遮那五濁三有無明十二類皆空也一切無善無惡無因無果無修無證無佛無衆生皆無焉吾何求也問者曰子之所言性也直事焉夫性與事一而二二而一者也子守一而定則大患者至矣其人曰子去矣無亂我其一人曰嘻吾毒之久矣吾盡吾力而不



足以去無明窮吾智而不足以超三有離五濁而異夫十二類也就能之其大小劫之多不可知也若之何問者乃爲陳西方之事使修念佛三昧一空有之說於是聖人憐之接而致之極樂之境而得以去羣惡集萬行居聖者之地同佛知見矣向之一人者終與十二類同而不變也夫二人之相違也不若二瓠之水我今不知去而取一甚矣

東海若後跋二家

東坡

橘洲

軾久欲書柳子厚所作東海若一篇刻之而置之淨住院無昌壽佛堂中元祐六年二月九日助海陽曹輔開封劉季孫永嘉侯臨會堂下遂書以遺僧從本使刻之眉山蘇軾記

淨土之旨無善惡無取舍無靜亂無男女一念真正決定往生或者置疑於其間先佛豈不能也柳子厚東海若是亦子莊子亡羊之詞吾能自信不疑何慮淨土之不生也爲普照書此爲來者勸紹熙五年三月望橘洲老衲寶曇敬書

右東海若一篇誠爲樂邦文類之冠本朝東萊呂祖謙集麗澤文粹亦曾編入竊恐呂公徒愛西方之文未必復行西方之行而作西方之歸也嗚呼昔人以淨土爲誕妄抑公故作斯文以譏其失大哉達佛旨者也近世沮茲道者猶多豈不媿於柳子愚頃過雲上於李子濟家得東坡碑刻及跋文乃知前輩高明亦有賞音者今併橘洲之跋以



刊之庶發人之深信也

弔武侍御畫佛文

太公韓

愈

侍御武君當年喪其配斂其遺服櫛耳蟬悅于篋月旦十五日則一出而陳之抱嬰兒以泣有為浮屠之法者造武氏而論之曰是豈有益耶吾師云人死則為鬼鬼且復為人隨所積善惡受報環復不窮也極西方有佛焉其上大樂親戚姑能相為圖是佛而禮之願其往生莫不如意武君撫然辭曰吾儒者其可以為是既又逢月旦十五日復出其篋實而陳之抱嬰兒以泣殆而悔曰是真何益也吾不能釋氏之信不又安知其不果然於是悉出其遺服櫛珮合若干種就浮

屠師請圖前所謂佛者浮屠師受而圖之韓愈聞而弔之曰指指方且有丁寧乎耳言忽不見乎不聞其誰窮乎太源圖西佛乎道予慙以妄塞悲乎慰新冤嗚呼奈何乎弔以茲文韓文公以平時排佛之心而作此文有所謂以妄塞悲之謂宜也雖然彼徒知妄之為非意以斥佛殊不知妄亦有合於教意且夫第一義諦一法不可得則凡佛之所以為佛教之所以為言與夫今淨土之所以為門莫非妄也苟濟於道孰曰非乎然則文公之說未必非陽抑而陰助之耳則今類見於此亦宜也

結社法集文

通慧僧錄

贊寧



晉宋間有廬山慧遠法師化行潯陽高士逸人輻湊于東林  
皆願結香火時雷次宗宗炳張詮劉遺民周續之等共結白  
蓮華社立彌陀像求願往生安養國謂之蓮社社之名始於  
此也齊竟陵文宣王慕僧俗行淨住法亦淨住社也梁僧祐  
曾撰法社建功德邑會文歷代以來咸就僧寺爲法會社也  
社之法以衆輕成一重濟事成功莫近於社今之供社共作  
福田修約嚴明愈於公法行人互相激勵勤於修行則社有  
生養之功大矣近聞周鄭之地邑社多結守庚申會初集鳴  
鑼鉦唱佛歌讚衆人念佛行道一夕不睡以避三彭奏上帝  
免注罪奪算也然此實道家之法往往有無知釋子入會圖

謀小利曾不尋其根本誤行邪法深可痛哉

蓮華勝會錄文

慈覺禪師

宗曉

夫以念爲念以生爲生者常見之所失也念無念爲無念以  
無生爲無生者邪見之所惑也念而無念生而無生者第一  
義諦也是以實際理地不受一塵則上無諸佛之可念下無  
淨土之可生佛事門中不捨一法則總攝諸根蓋有念佛三  
昧還原要術示開往生一門所以終日念佛而不棄於無念  
熾然律生而不乖於無生故能凡聖各住自位而感應道交  
東西不相往來而神遷淨刹此不可得而致詰也故經云若  
人聞說阿彌陀佛執持名號乃至是人終時心不顛倒即得



往生阿彌陀佛極樂國土夫如來世尊雖分折攝二門現居  
淨穢兩土然本聖之意豈直以娑婆國土丘陵坑坎五趣雜  
居土石諸山穢惡充滿以是為可厭極樂世界黃金為地行  
樹叢空樓奪七珍華敷四色以是為可忻蓋以初心入道忍  
力未得須託淨緣以為增上何則娑婆國土釋迦已滅彌勒  
未生極樂世界阿彌陀佛現在說法娑婆國土觀音勢至徒  
仰嘉名極樂世界彼二上人親為勝友娑婆國土諸魔競作  
惱亂行人極樂世界太光明中決無魔事娑婆國土邪聲雜  
亂女色妖姪極樂世界水鳥樹林咸宣妙法正報清淨實無  
女人然則修行緣具無若西方淺信之人橫生疑謗竊謂論

乏此方之人無不厭俗舍之喧煩慕蘭若之寂靜故有捨家  
出家則殷勤讀歎而娑婆眾苦何止俗舍之喧煩極樂優游  
豈直蘭若之寂靜知出家為美而不願往生其惑一也萬里  
辛勤遠求知識者蓋以發明大事決擇死生而彌陀世尊色  
心業勝願力洪深一演圓音無不明契願然知識而不欲見  
佛其惑二也叢林廣眾皆樂棲遲少眾道場不欲依附而極  
樂世界一生補處其數甚多諸上善人俱會丁處既欲親近  
叢林而不慕清淨海眾其惑三也此方之人上壽不過百歲  
而童癯老耄疾病相仍昏沈睡眠常居太半苦產猶昏隔陰  
聲聞尚昧出胎則尺璧寸陰十喪其九而未登不退可謂寒



心西方之人壽命無量一託蓮苞更無死苦相續無間直至  
菩提所以便獲阿惟越致佛階決定可期流轉娑婆促景而  
迷於淨土長年其惑四也若乃位居不退果證與生在欲無  
欲居塵不塵方能興無緣慈運同體悲迴入塵勞和光五濁  
其有淺聞單慧或與少善相應便謂永出四流高越十地詎  
訶淨土耽戀娑婆掩自空歸宛然流浪並肩牛馬接武泥犁  
不知自是何人擬此大權菩薩其惑五也故經曰應當發願  
願生彼國則不信諸佛誠言不願往生淨土豈不甚迷哉若  
天信佛言而生淨土則累繫之所不能拘劫波之所不能害  
謝人間之八苦無天上之五衰尚無惡道之名何況有實唯

願求之法決定無三歸依一體三寶奉事十方如來佛光  
照體萬惑潛消法味資神亦通具足三十七品助道法應念  
圓成三十二應隨類身徧摩刹土周旋五趣普被諸根不動  
一心徧行三昧洒定水於三千大千眾生於火宅自利利他皆  
悉圓滿然則唯心淨土自性彌陀蓋解脫之要門乃修行之  
捷徑是以了義大乘無不指歸淨土前賢後聖自他皆願往  
生凡以欲得度人先須自度故也嗚呼人無遠慮必有近憂  
一失人身萬劫深悔故率大海衆各念彌陀佛百聲千聲乃  
至萬聲迴向同緣願生彼國竊冀蓮池勝會金地法明綢互  
相資必諧斯願操舟順水更加櫓棹之功則十萬之遙可不



勞而至也

元祐四年冬宗頤夜夢一男子烏巾白衣可三十計風貌清  
美举措閑雅揖謂宗頤曰欲入公彌陀會告書一人名宗頤乃  
取連華勝會錄秉筆問曰公何名白衣者云名普慧宗頤書  
已白衣者云家兄亦曾上名宗頤問曰令兄何名白衣云家  
兄名普賢白衣者遂隱宗頤竟而詢諸老宿皆云華嚴離世  
間品有二大菩薩名宗頤以為佛子行佛事助佛揚化公有  
賢聖幽贊然預此會者亦豈小緣普賢變名易號不知誰何  
今更以二大菩薩為首云

念佛防退方便文

同前

普勸道友曰念阿彌陀佛或百聲千聲乃至萬聲迴願往生  
西方淨土各於日下以十字記之念佛之時一心專注不得  
異緣常念娑婆衆苦五濁煎熬況乎一夫人身何時可復幸  
諸道友終始精勤寶蓮華中決定見佛

念佛迴向發願文

同前

願弟子某甲普及四恩三有法界衆生從今已去安住第十  
義諦修行淨業孝養父母奉事師長慈心不殺修十善業受  
持三歸具足衆戒不犯威儀發菩提心深信因果讀誦大乘  
勸進行者念佛法僧解第一義以至誠心稱佛名號觀佛依  
正十六妙境念佛本起四十八願壽量三輩深入五門隨順



三種菩提門信受十方諸佛教或以散心定心而修散善定  
善依經起行畢命為期惟願阿彌陀佛法力冥如神通顯益  
令我等疑神竟路暗蹈大方進止威儀不離見佛如執明鏡  
自見面像及於夢中得見彼國眾妙樂事慰悅我心今生增  
進承佛威神遠離魔事所有無量劫來業惑塵勞皆為梵行  
善根功德同入性海積集諸緣併用迴向臨命終時無諸障  
難七白已前預知時至身無痛苦心不顛倒身心安樂如入  
禪定遍善知識教稱千念阿彌陀佛與諸聖眾現在其前放  
大光明授手迎接自見其身乘金剛臺隨從佛後如彈指頃  
往生彼國生彼國已見佛色身眾相具足光明寶相演說妙

法聞已即悟無生法忍住正定聚永不退還究竟至於一生  
補處化身自在周徧十方無量國中成等正覺極重苦處游  
戲設化念念之中令不可說不可說眾生獲菩提心心念念之  
中令不可說不可說眾生住普賢行福慧資糧悉得圓滿同  
成無上正等菩提各各莊嚴淨土各各攝化眾生如我世尊  
等無有異所有虛空世界盡眾生及業煩惱盡如是一心無  
盡時我願究竟常無盡

念佛懺悔發願文

慈雲懺主

遵式

我今稱念阿彌陀 真實功德佛名號 惟願慈悲垂攝受  
證知懺悔及所願 我昔所造諸惡業 皆由無始貪瞋癡



從身口意之所生一切我今皆懺悔願我臨欲命終時  
盡除一切諸障礙面見彼佛阿彌陀即得往生安樂剎  
彼佛眾會咸清淨我時於勝蓮華生親見如來無量光  
現前授我菩提記蒙彼如來授記已化身無數百俱胝  
智力廣大徧十方普利一切眾生界

結蓮社普勸文

總管張一 掄

如是我聞西方有佛名阿彌陀一名無量光一名無量壽又  
有觀音勢至二菩薩助佛揚化皆以大願力濟度諸眾生其  
國以七寶莊嚴清淨自然無諸雜穢故名淨土其人皆蓮華  
化生壽命無量衣食受用隨念而至更無諸苦示無輪轉故

又名極樂世界以此返觀我等見今所受之身所處之世較  
彼國土淨穢壽量苦樂生死豈止天地之相遠耶而昧者不  
知或知而不信自作障礙顛倒執迷不思解脫捨此生彼豈  
不哀哉故我今者勸諸有緣結此蓮社假使難知難辨猶當  
勉力精勤況佛號甚易持淨土甚易往八萬四千法門無如  
是之捷徑但能輟清晨晚仰之暇遂可為永劫不壞之寶是  
則用力甚微而收功乃無有盡眾生亦何苦自弃而不為乎  
噫夢幻非真壽夭難保呼吸之頃即是來生一失人身萬劫  
不復此時不悟佛如眾生何願深念於無常勿徒貽於後悔  
淨樂居士張掄勸緣



西資社同誓文

證通法師

師文

維隆興元年歲次癸未四月八日釋師友洎闔會大眾歸命  
極樂世界阿彌陀佛菩薩海眾願運共慈俯察微志等惟念  
宿福深厚生處中華恭覲大藏七經純談淨土依止莊嚴功  
德勝妙返觀此處三惡八難多不善聚生老病死壽命短促  
自力修行難進易退先聖憫我等故立此念佛法門易修易  
往激勸求生古今聖賢弘此道者其書山積湖海无不崇此  
社者代不多人十方衆生往彼國者多如駛而我於是以亮  
情天發不約而同秉志有歸僉心西境既念念不忘終期此  
報決取往生我等尚慮性習不同世務繁絀口談極樂意戀

娑婆理事不明行願有關展祈云同夕歸攸隔於是謹消吉  
日聚會投誠稽首梵容立茲弘誓仰願慈尊舒紫金手撫摩  
我頂啓紅蓮舌密授我記庶我此生已去諸惡不作衆善奉  
行不值邪師不失正念命終之日無病無苦身心悅樂隨從  
如來同歸安養蓮華早開悟無生忍游歷十方界奉事諸佛  
身濟拔苦衆生同成無上道虛空有盡我願無窮若見苦聞  
俱沾利樂湖州沈太師伯諸寄居士夫一百餘人建此法會於今慶元庚申歲三十餘年不廢

往生淨土十願文

桐江法師

擇瑛

願我永離三惡道 願我速斷貪瞋癡 願我常聞佛法僧  
願我勤修戒定慧 願我恒隨諸佛學 願我不退菩提心



願我速見阿彌陀 願我決定生安養 願我分身徧塵刹  
願我廣度諸衆生

金銀泥畫淨土變相讚

翰林李

白

我聞金方之西日沒之所去中華十萬億刹有極樂世界焉  
彼國之佛身長六十萬億恒沙由旬眉間白毫向右宛轉如  
五須彌山目光青白若四大海水端坐說法湛然常在昭明  
金沙岸列珍樹欄楯彌覆羅網周張碑礫瑠璃爲樓殿之飾  
玻瓈碼碯耀階砌之榮皆諸佛所證無虛言者金銀泥畫西  
方淨土變相蓋馮翊郡秦夫人奉爲亡夫湖州刺史韋公之  
所建也夫人蘊冰玉之清敷聖善之訓以伋儷義大希拯拔

於幽途父子恩深用重修於景福誓捨珍物精求名土圖金  
創端繪銀設像八法功德波動青蓮之池七寶香華光映黃  
金之地清風所拂如生五音百千妙樂咸疑動作若已發願  
昧及發願若已當生昧及當生精念十日必生其國功德固  
極酌而難名讚曰

向西日沒處

遙瞻大悲顏

目淨碧海水

身光紫金山

勤念必往生

是故稱極樂

珠網珍寶樹

天華散香閣

圖畫了在眼

願託彼道場

以此功德海

冥祐爲舟梁

八十億劫罪

如風掃輕霜

庶觀無量壽

長放玉毫光

繡西方淨土懺讚

侍郎白

居易



西方阿彌陀佛與閻浮提有願此土衆生與彼佛有緣故受一切苦者先念我名祈一切福者多圖我像至於應誠來感隨願往生神速要通與三卅十方諸佛不侔噫佛無若干弱與緣有若干也有女弟子弘農郡君姓楊氏號蓮華性發弘願捨淨財繡西方阿彌陀佛像及本國土眷屬一部奉爲乾李氏長姊楊夫人滅宿殃追冥祐也夫範金設繪不若刺繡紋之精勤也想形念號不若睹相好之親近也即造之者誠不得不著感不得不通受之者罪不得不滅福不得不集爾時蓮華性焚香合掌跪唱讚云

金方利

金色身

資聖力

攝幽薈

造者誰

弘農君

受者誰

楊夫人

繡阿彌陀佛讚

同前

繡西方阿彌陀佛一軀女弟子京兆杜氏奉爲妣范陽縣太君盧夫人八月十日忌辰所造也五絲莊嚴一心恭敬願追冥福誓報慈恩讚曰

善念一念

千念相屬

繡始一縷

萬縷相續

功績成就

相好具足

金身螺髻

玉毫紺目

報罔極恩

薦無量福

西方淨土讚

孤山法師

智圓

曰天理甚寂詎可以淨乎穢乎延乎促乎彼乎此乎而思量擬議者哉然而悟之則爲聖爲真爲修德爲合竟爲還源爲



涅槃迷之則爲凡爲妄爲性德爲谷塵爲隨流爲生死大矣哉聖人之先覺也憫其未覺焉於是乎土現清淨壽延無量端拱東向而慈眼無偏視俾我羣迷厭穢而忻淨惡此娑婆而取彼安養矣既而升寶剎觀法王目神變耳妙訓則湛寂之性不遠復矣達十方太虛悉我心現矧依空之土復何有哉噫如是證悟者孰不由其厭穢忻淨惡促好延捨此取彼之心而致乎而況達忻厭而無忻厭了好惡而無好惡知取捨而無取捨者耶是故釋迦現穢土而俾厭彌陀現淨土而俾忻其有旨哉吾慈母馬氏生厭穢境死忻淨剎壽七十有一而終寢疾之際以所造淨土無量壽像囑吾以供養承事

焉小載于茲矣嗚呼母人之德其在免子於溺墜水火而已而吾母也始能捨吾爲佛徒次能資吾以佛法末又約吾以往生是能誨我於道也夢我之數風樹之悲歲月其邁而吾心不衰遂齋莊馨香法臺作淨土讚庶祐我母陟乎聖階竟海澄圓廣大無邊無促無延其羣蒙失道自劫家寶生死浩浩其大覓軫慈淨國爰居俾我來思其金臺既升觀佛儀形悟我妙明以相觀讚以道取福我慈母其

無量壽佛讚

大智律師

元照

八萬四千之妙相得非本性之彌陀十萬億剎之遐方的是唯心之淨土淨穢雖隔豈越自心生佛乃殊寧非已性心顯



虛曠不礙往來性本包容何妨取捨是以卒念即登於寶  
還歸地產之家鄉彈指仰對於慈容會大真之父子機上  
負德枉受沉淪今日投誠必蒙拯濟三心圓茂一志西馳盡  
來際以依承歷歷剎而稱讚

畫阿彌陀像讚

文忠公蘇軾

蘇軾之妻王氏名淵之字季章年四十六元祐八年八月一  
日卒于京師臨終之夕遺言捨所受用使長子邁追過為畫  
阿彌陀像紹聖元年六月九日像成奉安于金陵清涼寺讚曰  
佛子在時百憂繞臨行一念何由了口誦南無阿彌陀  
如日出地萬國曉何況自捨所受用畫此圓滿天日表

見聞隨喜悉成佛不擇人夫與蟲鳥但當常作平等觀  
本無愛樂與壽夭文六全身不為大方寸千佛夫豈小  
此心平處是西方閉眼便到無魔境

李伯時畫彌陀讚

寂音禪師 惠洪

政和八年五月十五日宜春黃先之携李伯時所畫阿彌陀  
像來東山為示余觀伯時畫多矣大率顧陸之意畫意不盡  
態故不施五色而伯時知之耳問其所得曰李仲元仲元中  
為表法官以遺所厚善者先之若求得之余諦視其筆跡非  
今輩所能為其伯時之筆審矣稽首為之讚曰  
以慈為室以忍為衣法空為座示同體悲四十八願



為世所歸 如日沒時 鳥接翅飛 大哉甘露 妙法總持  
令我觀門 洞開坦夷 諸觀自心 妙絕知思 是歸依處  
真不思議 律我意馬 使不妄馳 光明現前 見白蓮池  
不假中陰 屈伸頃時 忻然化生 如八歲兒 何以至此  
請審思之 皆我精進 相力所持 稽首妙湛 不動巍巍  
令一切衆 絕癡暗疑 有同願者 但瞻導師 脫然蟬蛻  
出五濁泥

安樂國讚三十章章四句 提刑楊傑

淨上周沙界 如何獨抗西 但能從一入 處處是菩提  
有念同無念 無生即是生 不勞移一步 透徹竟王城

狀煩求淨土 不是不慈悲 欲得醫他病 先須自療治  
彌陀願力重 光明照塵沙 一念若相應 即生如來家  
天宮多五欲 樂國絕三塗 生者不退轉 如來語豈誣  
劣夫從聖主 一日四世界 聖力不思議 譬喻當得解  
莫疑宿業重 十念功德輕 萬年有閻室 日照當時明  
雖知諸佛國 及與衆生空 化人修淨土 摩詰有遺風  
愛戀當猛斷 日熾冰自泮 未證三昧者 應作如是觀  
五濁汙泥水 不染白蓮華 如何游蕩子 年老未還家  
阿彌陀教觀 濁世有深緣 未法銷除盡 重留一百年  
勿謂千萬億 路遠自厭倦 譬如千里境 頃刻夢中偏



|       |       |       |       |
|-------|-------|-------|-------|
| 勿謂歷劫罪 | 一念不可消 | 譬如積年木 | 一豆火能燒 |
| 弱羽不離枝 | 嬰兒不離母 | 念念阿彌陀 | 決定生淨土 |
| 十芳諸如來 | 一音廣長舌 | 發願即得生 | 稱讚誠實說 |
| 水鳥及風聲 | 法音無間斷 | 菩薩皆伴侶 | 決定不退轉 |
| 黑業必殞墜 | 如石投諸水 | 願力猶巨舟 | 乘之得安濟 |
| 有念非無漏 | 無心未是精 | 虛空造宮室 | 何日是功成 |
| 安養受諸樂 | 娑婆備衆苦 | 當發無上心 | 願得生淨土 |
| 欄楯及羅網 | 寶木皆七重 | 莊嚴無與等 | 天樂散香風 |
| 池水八功德 | 池底純金沙 | 上有寶樓閣 | 車輪四色華 |
| 天雨曼陀羅 | 盛以寶衣被 | 供養十方佛 | 食時還本國 |

|       |       |       |       |
|-------|-------|-------|-------|
| 心淨即土淨 | 大士語豈遙 | 刹刹見如來 | 那伽常在定 |
| 已證無生忍 | 重乘般若船 | 遊戲生死海 | 援溺濟無邊 |
| 生埋不可得 | 即是真無生 | 自他凡與聖 | 一上足強名 |
| 即此娑婆界 | 混然凡聖居 | 塵塵全體現 | 妄動即差殊 |
| 佛言彌陀國 | 去此實不遠 | 普告修行人 | 切勿生異見 |
| 佛為法藏時 | 四十八誓願 | 願願度衆生 | 攝受無限量 |
| 若有諸衆生 | 一稱我名號 | 若不生淨方 | 我不成佛道 |
| 父常念其子 | 子常念其父 | 念念若相應 | 還家依位住 |

善導和尚彌陀道場讚

同前

東舉壇級石塞我 十佛隨聲信不訛 後善導依先善導



今彌陀是古彌陀 一心正受超三界 孤月澄輝照萬波  
乘般若舟游淨域 度生還亦到娑婆 道場在嚴州烏龍山後善導即少康法師也

白蓮咸教主真讚

同前

台州東掖山白蓮道場傳夫台教咸法師元祐七年七月十一日召大衆出衣盂所有以散之云吾二十三日當還淨土至日於方丈門外坐禪圓寂前六日以遺書遣淨人嚴妙觀賁來京師與予為別乃述真讚以寄山中諸徒

三觀通明念念圓

祖師爐拂祇心傳

遺書封了加趺坐

不住白蓮生白蓮

傲禪月作遠公詩并序

太史黃

庭堅

遠法師居廬山下持律精苦過中不受蜜湯而作詩換酒飲陶彭澤送客無貴賤不過虎溪而與陸道士行過虎溪百步大笑而別故禪月作詩云愛陶長官醉兀兀送陸道士行遲遲買酒過溪皆破戒斯何人斯師如斯故傲之  
邀陶淵明把酒挽 送陸修靜過虎溪 曾次九流清似鏡  
人間萬事醉如泥

遠法師贊

給事程

俱

法師弘道 實相是談 像浮江澗 神運伽藍 戒珠義海  
聳世觀瞻 肇開淨業 蓮社興賢

劉遺民贊



仲思緣傳

二林領袖

大化現前

不忘正受

陶靖節贊

淵明高蹈

性與道俱

世出世士

莫得親疎

謝康樂贊

康樂適上

豪氣不除

慧業則有

非寂滅徒

陸道士贊

陸公玄虛

寄微簡寂

江湖相忘

一笑莫逆

臨行自餞

檀菴法師

有嚴

吾聞西方有無上正徧知壽命無量阿僧祇光明徧照沙界  
子無邊際慈悲普覆羣生子無盡期間名稱念者皆不退轉

歸命發願者衆苦皆脫離黃金爲地或瑠璃晝夜六時天華  
飛樓閣幢幡千萬子徧空界寶林珠網音樂子微風吹莊嚴  
美妙不思議土無日月常光輝是故繫念者神鬼西馳父母  
之邦子常思歸性無苦域子今順性而捨其性有樂邦子今  
順性而取之去去過十萬億佛土不是遠路跂內憑願力外  
仗佛威一刹那間便到七寶蓮華池

檀菴老生平季佛守戒律一節如冰霜事文翰高談如珪  
璧講練有餘力而繫念無暇時其淨業既成一夕見在金  
池上執樂者數人似欲季音以迓其來不數日而終先乃  
成自餞一篇是知決定爲西方游矣聞者莫不嘆慕其不



樂邦文類卷第二  
可及也嗚呼唯心本性人人皆具焉何羨魚多而不結網  
而有獲耶子雲所謂螺贏之祝曰類我類我久則解之矣  
安有不修而能證者哉此自餞之意固足以爲來者勸也  
明人元祐持其文示予因跋其尾云隱庵左知微謹題

樂邦文類卷第二



